

受福若巡按不肖其誤非小屢諭申飭回道考覈何進日俱
云祿職 工曰今後庶覈又曰卿與吏部實心任事天下可
治乃退

癸卯副總兵曹文詔擊王嘉胤斬三百二十六級

寧武總兵孫顯祖言聞喜稷山賊二十餘萬日勦日益官兵
不過二千奔逐不支乞再發京營或調邊騎五六千夾剿命
下兵部委諒督專制總督張宗衡以兵餉並之事竟不行

二月乙巳朔召廷臣於平臺

己酉大孝士周延儒何如寵主禮闈

辛亥夜定邊營降丁太譟蓋闕餉五旬各求給散守備張天

禮同遊擊馬科巷諭乃安降丁仍逃二百餘人亦前曹文詔
所收山西降盜也

壬子總兵賀虎臣杜文煥等合軍圍保安神一魁勾發虜千
餘騎突圍出諸軍怯走一魁糾衆數萬劫寧夏都指揮王英
兵潰各道將兵進擊寇棄城南奔

戊午神一魁至慶陽破東關游擊伍維藩等擊斬五百餘人
己未叅將張全昌以巡撫練國事全邀洛川鄜州之賊至是
戰於梁家嶺敗之斬四百六級

庚申戶部告急請帑不許

壬戌四川建昌夷羅一千餘人作亂

丙寅福建流寇數千自長汀賴坑突犯瑞金縣教諭王魁春署邑事諭民兵禦卻之擒三十餘人斬四十餘人寇走福建古城

丁卯刑科給事中吳執御言督學綱紀多徇情臣謂宜慎擇其人於未任之先責以久任歲貢應勅提學歲選年壯品純者送廷試錄用老邁即題授冠帶不必赴京人漢武設太學博士唐制即縣有學宋制州縣教授共五十三員戎朝遠踰前代郡縣儒官多至四千餘員名器稍濫竊見順天應天附郭宛平大興上元江寧四縣總於府學今將各府附郭州縣學俱併府學不減其廩增附額但以府學教授五人

董之各州縣學有學正教諭加訓導一餘可裁省命下部議
戊辰白賄清為右都御史巡抚甘肅

流盜萬餘圍慶陽府城前鋒抵寧州寧州告急時慶陽獨推官馬一荀已罷職楊鶴在卯乾不即援宜君盜又南窺涇陽三原而韓城澄城各盜分犯不知其數

給事中葛應斗糾御史袁弘勳錦衣衛都督同知張道濬通賂竊權命下獄弘勳受溫處叅將胡宗明及戶部主事趙建極賄囑於兵部尚書梁廷棟吏部尚書王永光而廷棟謀代永光弘勳道濬為永光所任按賍俱有跡弘勳戍

戍代州

道濬

己巳官兵追韓賊盜於葭州斬四百餘級

庚午刑科給事中吳執御論吏部尚書王永光誨貪崇壘急退之以全末路不允

壬申神一魁陷合水縣

三月乙亥朔丁丑張應昌擊神一魁擒斬二百三十八級鄉兵斬百餘級慶陽圍解時詔招一魁散餘黨千人

己卯賊渠劉全劉鴻儒求抚

壬午京師大風霾

吏部尚書王永光罷

癸未賊渠孫繼業茹成召芎六十餘人來降合水知縣蔣應

昌并保安縣印總督楊鶴受之令固原知州固日強於城樓上奉御座賊怒拜呼萬歲鶴因宣聖諭同往関將軍廟令設誓諭各解散或歸伍或歸農郡盜自此輕視總督如兒戲矣其衆教萬人皆勾魯辯髮

巡抚山西右僉都御史宋統殷請兵餉及行糧功賞鹽菜之

二 留驛站

寧武總兵孫顯祖回鎮都司劉敏元以三百人剿靜樂盜逃回督道臣索餉監視太監孫霖諭解之宋統殷論顯祖老職張應昌代之御史郭必昌上言寧武之兵逃靜樂逃永寧逃寧鄉凡三尋罷統殷聽勘

己丑策貢士吳偉業等三百人於建極殿賜陳于泰吳偉業
夏曰瑚等進士及第有差

戊寅東川盜攻嵩明

甲午大盜劉五執鉄角城張孟金聚芦保嶺衆各萬餘苦飢
於是鉄角城盜犯平涼固原蘆保嶺盜犯耀州涇陽三原薄
寧州分犯環縣

己未巡抚練國事剿盜中部縣斬百二十級盜南走

戊戌張宗衡為兵部右侍郎總督宣大軍務

盜陷武安監西濠之逸賊走平涼掠上郡追兵稍不及遂入武
安監、正吳三才道

己亥賊詐稱官兵襲華亭縣知縣徐兆麒遁殺教官卸邦榮
越二日去之時曾文詔王性善以賊圍莊浪剿之故得乘虛
而犯也

庚子工部左侍郎沈演言臣累疏建堡聚民之法以民察民
自無遺奸耳目者衆內應何從非止本計亦兵机也從來治
流賊之法勝之易定之難法在安插相其曠土隨在附藉此
安內必用之策也以遼民室遼土以遼土贍遼兵能開屯者
即与為世業屯有軍屯有民屯此外攘必用之策也遼故有
監軍塩場塩額道臣陳新甲料理有緒特在兵復之耳抑幹
濟頊才、為世土積偷之後法當糾、以屏無偏党即正有

係援即邪人自有真賢否國自有與利害乞勅中外令條上
便宜不論在官在籍即高士如陳繼儒真品如舒曰敬等行
為世儀奉饒經濟皆得各陳所見言而可行：而可績即為
真才 上是之 諭曰陳繼儒等果否奉識可備採擇該部
併議

辛丑閏洪季為吏部尚書

癸卯楊鶴給降人票令各還鄉其豪千餘人以叅將吳弘器
領之駐寧塞套魯犹恃前約助神一魁去擊絕之而宜君雖
川盜又蜂起矣

平涼固原回羅作亂勾賊恣掠道臣王振奇徐如翰剿平之

賊日黃友才遁

初遵化兵五百人從畿南推縣大掠而南自臨清濟宣入秦
安又折而東北至章丘東關聞省城有兵乃從丁河口入海
東道抚按余大成高捷俱報逃海中必塋魚腹時皆笑之大
成如聲如贖然

副總兵曹文詔擊賊於栗園大敗之

四月甲辰朔丁未流盜攻圍莊浪總兵曹文詔楊嘉謨遣固原
都司靳桂香游擊曹變蛟馮奉刘成功平安守備李登榜金
守亮等追及張麻村敗賊追二十餘里斬二百三十餘級會
甘肅副總兵李鴻嗣叅將莫与京等隨固原副總兵王性善

亦至又斬二百九十八級賊走長寧驛追之咸宜關又斬一百二十九級追之隴州隴安賊且掠且行將回向寶雞游擊曹變蛟楊先烈等邀斬三百五十餘級賊尚四五千從靜寧州萬馬關石門宋家店四掠走維水城賊工騎射依山負險窮追甚難而平涼隴州華亭武安莊浪靜寧等難民計數萬御史吳姓再請賑銀已無及矣

庚戌遣大臣祭郊壇穰旱諭群臣脩省

諭兵部申禁硝磺銅鐵軍器出境下海

諭多寡俱臬示

癸丑陳于廷為左都御史謝陞為南京吏部尚書徐良彥為南京工部右侍郎

甲寅陝西巡撫練國事剿盜柳材斬二百餘級越宿於上峪斬二百級

丙辰張廷拱為右僉都御史巡撫大同

總兵王承恩擊潰澗賊斬百七十六級

丁巳夜月食

己未賊渠神一魁降於楊鶴責數其罪俱伏謝一魁破寧塞新安保安合水圍靖邊慶陽有騎五千可充戰鶴修其事乞賜一二萬金賑濟又止巡撫練國事北征國事至中部報宜雖盜先後斬五百二十餘級盜求撫從之其脅從者多倭德清澗米脂之飢民各給印票回藉其頭目隨營委都司艾

榜處置

刑科給事中吳執御劾宣大總督魏雲中陝西總督楊鶴惟
怯玩寇 上責雲中等平盜自贖時言官交論鶴：疏引咎
且言臣子嗣昌前河南汝州道去冬調霸州列未半月復調
關門今荐人輒曰边才一日未歷边陲何知其堪臣既誤矣
臣子豈容再誤釋前工部尚書張鳳翔左副都御史湯應昌
御史李長春給事中杜齊芳都督李如楨獄

夏允彝曰論者往：以通魯罪李如楨六屬大苛如柏敗
後如楨即以大金吾鎮不過以孝廉五六人俱計皆寓
其宇下疏奉之即因而用焉鳥已太草：熊廷弼至即糾如

楨之大罪下獄擬辟言六太過然人皆以李氏素有 名
積謗所集無有一人覽之者如柏既 死如楨自分死無
日矣思宥之夜出獄家寓城外久不通忽而叩門家人
皆駭以為夢中事也後遂續其寧遠舊封古人云記人之
功忌人之過宜為君者也 烈皇帝之謂乎

早諭修省

改巡檢司印以檢為簡文犯御諱也

副總兵曹文詔都指揮馬科曾變蛟艾萬年等克河曲斬一
千五百七十餘級兵械驟畜以數千計

傳宗龍為右僉都御史巡撫順天莊祖誨為右 都御史巡

抗應天

兵部尚書梁廷棟免

甲子吳執御言大季士錢象坤端慈清流不得以梁廷棟異之報聞

乙丑臨洮副總兵蔣一陽遇流盜於清水縣戰敗失亡數百人把總徐承斌死之都指揮使李宮用見執總兵曹文詔楊嘉謨自隴州邊盜於麻鎮相待人遺諭帖以問之盜相疑殺渠帥江君友

丙寅王承恩擊賊於甘泉斬二百四十餘級

丁卯巡抚洪承疇令守備賀人龍勞降者酒降者入謝伏兵

斬三百二十人

己巳曹變蛟楊光烈遇盜維水城西鹵手走之追至靜寧州斬二百四十九級盜奔華亭

庚午盜陷興平執知縣荆廷鈺

御史吳姓賑飢前至延安次延長寇聚城下諭以禍福安同知趙鶴年分賑其圍遂解又至延川游盜聞之回受賑又至清澗尤困降盜党熊四百餘人給餉如兵綏德衛其困如清澗云州之西河驛通山西永寧州雜販鎮城藉之以晉兵扼渡船阻益困時抚賊四千有奇米賸民從盜十之七亦就賑閱而收之三千有奇

辛未諭刑部以矜疑欽恤惟錢龍錫不許言官屢以為請
降盜張存孟擁衆脅糧賞復攻米脂葭州守卒卻之榆林道叅
政張福臻調總兵王承恩同孤山堡副總兵侯拱極都司艾
萬年守備賀人龍等共三千人以禦一衛盜之至葭州王家
莊洪承疇張應昌六至賊分兩營以待辛未壬申連戰賊始
遁追至西川斬三百十級顛溺亡算又擒渠帥李成林列民
悅官兵集於西川雙湖峪其地窰砦六十有四皆天險元年
來巢賊無窺之者於是任設防堵截張存孟懼率百十騎
逃關山嶺馬科擊之又逃舍峪止二十七騎渡河守備孫守
法方英擒之盡殲其騎其脅從千餘人全歸農

五月甲戌朔

上憂早歲禱南郊

乙亥總兵王承恩擊宜川賊斬二百十五級餘賊屯頭山鎮
又斬四十五級渠帥王成功乞降餘賊走宜君其衆二萬官
兵又斬二百四級

會變蛟追寧塞遺賊於唐毛山見山勢險隘從山上下射賊
不支回潰斬六十九級擒六十餘人賊仍奔華亭四戰皆捷
先後斬四百餘級而寧塞之逸賊稍殺矣

丙子巡抚練國事趨寧塞值御史吳姓於魚河是日姓至榆
林鎮以晉兵遺糴斗米六錢草根木皮為盡人互相食姓曰
秦榆林者天下之雄鎮也宿將勁兵出焉非他鎮比雜敗年

利商民欣赴初無損于晉若以防河為名而絕秦人之命恐老成謀國必不在此也

大盜趙勝以萬餘人掠韓城郡陽復窺芝川鎮靈州參將張全昌以五百人戰三日共斬三百餘級賊走鄜州中部巡撫練國事復同張全昌趙大胤夾攻斬六百餘級賊走時榆林連旱四年延安飢民甚衆西安大旱練國事更請發帑賑濟不報趙勝尋降於清問

庚辰沈演為南京刑部尚書張廷登為南京右都御史王志道為左僉都御史

禮部尚書李騰芳致仕

釋故大孝士錢龍錫獄戍定海衛龍錫出獄周廷儒即過之極言 上怒甚有可譴甚多御豈能盡知之語挽回殊艰龍錫極感之未几温辭仁至龍錫目迷廷儒語辭仁曰 上固不甚怒也於是聞者遂謂辭仁質直廷儒虛偽然仁辭仁之巧於擠廷儒也嘉善錢士升生平端謹龍錫其座師也聞辭仁語頗重之而輕廷儒辭仁遂与相結

癸未給事中吳執御言昨見計臣疏稱歲額四百萬今加至七百萬闕額尚百六十萬則餉猶未裕也復加則累於民不加則害於兵前年遵永之變袁崇煥王元雅皆以數百萬金錢數萬兵馬狼狽失守史應聘張星王象雲左應選各以一

邑或破敵於狂逞之餘或坐鎮於嬰城之際繇此言之今日
言餉不在創法而在擇人可知已臣妄謂北直山西陝西邊
邑除見任科甲聲績應留外餘平常各官赴部改選勅吏部
選補進士畀以本地錢糧便宜行事各隨所長精練士兵此
法一行餉不取償於司農兵不借援於戍卒計無便於此
上以錢糧尽畀本地餉兵則京解民運安出邊鎮奚資不訢
丁亥秦盜屯黃龍山劫韓城總兵王承恩還鎮道擊敗之
己丑初洪承疇抚盜王子順駐榆林巡按御史李應期誅之
正月 上以問覲官因彙塘報以聞 上謂賊勢極甚招抚
為非殺之良是命具姓覈奏

是日雨

庚寅雨

壬辰前兵部右侍郎徐必達卒予祭塋贈兵部尚書

乙未黃汝良為礼部尚書甄淑為大理寺卿

丁酉延綏榆林大雨始有禾

盜殺海豐大安壩三百餘人六月七月再被害

庚子大盜張天琳來降選其驍悍者置營中散其餘党一萬
二千餘人給免死票路費即命其魁分勒回藉未數月背叛
去

談遷曰飢盜皆我赤子也邊卒王嘉胤等亦因存飢而起

枵腹為合其勢不固然必一大創之伏屍萬餘流血數十
里震潰之餘又在其頸然後招抚而解散之始心悖魄奪
而不敢為非蓋盜之利暫而害也踵之也今彼輩瞋目揭
竿初惧官軍售首無暇屢值屢避繼而不相避且格鬪屢
鬪之後謂官軍無如我何小勝則掠小怯則降旅聚旅散
叛服不常則見盜之利而未值其害也夫人無智愚俱於
於利害之間忍飢則死為盜則生秦人之所以相隨於練
林者曷有窮乎

壬寅流盜自合水保安逃出者萬餘人從慶陽攻中部署印
同知鄭師玄告急楊鶴遺官招之是夜降丁內應城陷

工部郎中李若愚請復建文帝廟號錄殉節諸臣章下部

大同襄垣諸縣雨雹大如卧牛如丈石小如拳斃人畜甚眾
潞女狃民作亂於壺關高平陵川宣大總督張宗衡剿平之

六月癸卯朔會文詔擊斬王嘉胤於陽城

總兵王承恩敗賊於雒川縣斬一百四級

丁未大孝士錢象坤罷熊明遇為兵部尚書孫穀為右僉都
御史巡撫遼東

山東徐州大水

庚戌臨潁縣未剝雷雨後忽風霾壞民居壓死三人即至杜
家庄監生杜逢升主簿杜鳳儀家傾樓拔木器物尽失飄散

無跡壓死五人風霾漸至鞏家庄長五十餘步廣十五丈磚
石磁器翔空落地止恙鉄器皆碎

癸丑王承恩敗賊於石堡川斬百二十六級餘奔澄城界

甲寅官兵取賊於孤堡斬一百九十五級

丙辰淮安楊徐濟寧大雨水壞民居田稼

丁巳官兵戰劄陽斬賊百餘級

辛酉巡綏西協副總兵張應昌兵備道戴君恩以賊張孟金
約齊蘭二頭目謀襲靖邊先邀之值於真水川空口敗之追
至中湖山復遇賊二千余人力戰射賊魁自廣恩墜馬又射
死張伏倉賊亂追斬四百十五級

壬戌前巡抚雲南右副都御史王恩民卒雲南臨安衛人隆

慶二年進士拜御史歷今官年八十六

癸亥流賊張孟金等萬余人謀攻合水縣自甘泉之甄家灣
而東洪承疇率都司馬科等二千人追之丁卯追至甘泉山
中斬七十餘級遂乞降

己巳選庶吉士張溥等二十二人

蔣允儀為右僉都御史抚治鄖陽

西虜犯延綏紅山官軍拒卻之斬百三十級

南京礼部主事周鏡請卹建文諸臣

七月癸酉朔甲戌馬科追賊至延川延水閣及延安副總兵李

罕等合斬二百二十余級賊走黃河濱溺死甚衆

總督楊鶴敗賊於鄜州斬三百十三級降二十余人

前南京工部尚書沈徽珍卒歸安人萬曆己丑進士予祭葬
弘光初加贈太子太傅謚褒敏

丙子大盜萬餘復掘缺角城突出圍合水縣游擊陳光先前
戍四百人同知縣施喬旗力拒之

武定府常勝營武卒官李瓊襲殺逆首張世臣於納棟

戊寅賊入東關游擊陳光先率兵巷戰斬七級逐走之曹文
詔自慶陽以千八百騎赴救之花園寺聞砲聲疾馳賊迎戰
俄四山伏起合圍文詔力關突圍賊始敗之追

殺頗衆賊分路趨驛馬關

慶陽推官馬一荀遣二隸投牒省城其隸偽製紅幟二報賊

糾四十萬尅期攻省城云蓋神一魁白恨猗猾引若干人於
總督故二隸冀以激變也

流盜掠鄜州列營於太平原王承恩從三川驛往擊斬三百
余級遂以二十人降

吏科給事中孟國祚曾履泰各奏抗賊欺飾之弊國祚曰今
日招抚原迫於計之無奈借此以寬目前而賊勢益橫有此
處就抚彼處得懈當事既言抚不肯更局必至於身名俱敗
貽誤封疆履泰曰偷旦夕慶堂之安無制伏安插之道則彼

方為虎狼我奉之又為驕于低有借抗以張賊之濫以蓋賊
之名官兵亦束手而不敢動將草澤之雄窺見廟堂奉動如
此天下事尚忍言哉

庚辰宜川知縣馬自龍公出至雲岩鎮被大盜劉九思劫去
脅而昇之入賊九思坐公署令三戶養一賊總督楊鶴聞而
檄下始出走御延道張九登請寬自龍戴罪視事巡按御史
吳姓糾為抚局所誤朝論譴之

壬午曹文詔李都司馮奉游擊曹變蛟等楊嘉謨率參將方
茂功等尾賊於閔泉鎮賊二萬去鎮咫尺分兩營精騎待戰
東西二溝伏步賊数千官兵分四營進銅川橋大戰久之文

詔身先士卒陷堅吏卒効命追奔二十余里斬六十七級墮
崖墜澗者七筭寧夏總兵賀虎臣赴援六敗之賊遂不敢南
窺而安矣

癸未建總督陝西兵部右侍郎楊鶴下刑部獄明年戊袁州衛
乙酉曹文詔楊嘉謨賀虎臣以賊襲鎮原縣窺平固關各赴
救固原總兵楊麒六至

丁亥進擊賊斬六百餘級賊奔東北似回巢然是役也合督
抚四鎮之兵穷追半月先後數十戰始斬賊渠餘賊潛匿山
峪延安慶陽十里內暫安焉

甲午流賊六千餘入東渡山西副總兵曹文詔與從之

丙申流賊二三千人屯石佛原謀犯平涼總兵楊麒遣剿
庚子追至安口河擊斬百五十餘級明日至崇信擊斬六十
餘級

辛丑賊陷中部縣初守道翟師雍扼盜田近菴等以六百
分駐馬攔山御史吳姓書止之無及矣及李老豺劫臨菴南
下攻中部田近菴內應而陷吳姓行次隆坊鎮去縣四十里
隨遣總兵王承恩屯城北副總兵趙大胤屯城西共斬千七
百二十級

八月壬寅朔癸卯總兵賀虎臣前奉楊鶴檄剿慶陽賊計斬賊
首劉六於環縣擊斬餘党三百四十級癸丑又斬百四十四

級西路漸平

甲辰楊麒追賊白茅山斬五十餘級

乙巳清兵大奉圍大凌河城總兵祖大壽与何可綱固守

已酉洪承疇至平涼以鎮原賊恣掠發甘肅臨洮兵三千剿
之

庚戌賊掠慶陽之方山蒲河洪承疇檄曹文詔楊嘉謨以三
千人剿之至蒲河官兵登山發矢石賊迎戰斬四百三十八
級而寧夏總兵賀虎臣慶陽叅將趙光遠來援諸將分駐保
安豐樂鎮萬安監西濠饒陽以防其逸各有斬獲

刑科給事中吳執御論庸輔周延儒攬權壅蔽徇私何地無

賢才而辛未鼎甲必出其鄉江南例止二廡常胡為併江北而奪之近日塘報奏章凡字涉夷盜边防輒借軍机密封下部明畏廷臣摘其短長他日敗可以捷聞切可以罪案然壘蔽不止此也去年吏部擬御史顧其困為府而延儒必以鄉人故拂然而勒陞溫固奇以楚錄砭切異同必欲斥詞臣黃景昉又黃道周清賡不阿款借卿試錄重處未遂其私遷怒儀郎皇上以言路為治理之要六月一考九部院議不敢延儒於新臣始見即叙皇上初意欲敗教卷因延儒委曲而止且公然謂諸臣不必急於言私人如市李元功蔣福昌周素儒等夙夜入幕訖豈大臣壁立千仞不逆群小之所

為哉 皇上習見延儒稟擬摘發細事近於明敏遂尔推誠抑知延儒陰譎之尤意之所忻吐嗽雲雨意之所忻呼吸霜露實借票擬以行其私乎 上切責之戊午執御再劾庚申又劾俱留中

大盜趙勝千餘人不受抚復入山西之永寧石樓榆林叅將苑攀龍神水叅將艾萬年孤山副總兵曹文詔追剿盜掠沁水縣東北有竇莊故張忠烈銓里居也初銓父尚書五典謂海內將圮築墻為堡甚堅至是賊犯竇莊銓子道濬道濬俱官京師惟銓妻霍氏守舍衆議棄堡去霍氏曰避賊而出家不保出而遇賊身更不 免等死耳死千家不犹愈

死於野乎且我守堅賊必不得志躬率僮僕為守禦賊環攻
堡中矢石並發傷賊甚眾四日乃退其遊小谷者多遇賊淫
殺惟張氏宗族得全冀南兵備王肇生表其堡曰夫人城
癸丑諭武奉試技勇毋專取文藻
祖大壽敗建師於五里莊

初選陝西御史李應期言秦賊旋抚旋叛而御史吳姓新
代上命其確奏於是姓上言延慶地亘數千里土瘠民窮
連年旱荒盜賊蜂起東路則王嘉胤攻破府谷渡河犯晉西
路則神一元破寧塞破柳樹關破安邊攻保安一元死第一
魁捷之又破合水圍慶陽總督楊鶴本年移鎮寧州邊官招

抚安揀寧塞者四千有奇餘党却臨卷列六等眾不下數萬
五月初總督離寧州賊已掠環縣真寧之間此保安合水之
流孽也延安四載奇荒邊軍始死於掠米脂綏德清澗脅從
其眾几於無民去秋流劫延南巡抚洪承疇方整飭東西兩
路力不能及三月間賊掠宜川縣維水宜君中部等縣趙勝眾
号數萬自山西回黃龍山西安北界韓城白水澄城蒲城郃
陽敷州縣被毒最慘此延北邊賊流毒西安者也五月總兵
王承恩榆林道臣張福臻以勤王兵五千南剿賊望風潛逃
總督移鎮耀州招安諸盜造名冊予路費待之殊厚張天琳
等臨陣降於榆林道臣亦不下數百人賊見大兵在南遂徙

而北延川安定清澗綏德米脂吳堡葭州雖散原藉仍鄉村
流劫於是官賊之誑人：恨招抚矣趙勝衆五六千在清
澗之解家溝花牙寺旋抚旋叛慶陽却臨卷劉六等亦受道
臣周日強之抚今攻陷中部者多其衆也又降賊見大兵之
來已出韓城潼關道胡其俊犹追贖錢九十萬賊復橫索一
一給之惟謹要挾重貨之說有自來矣為今之計惟集兵南
北合剿殲渠魁而餘衆自破明賞罰而士氣自鼓秦事就可
為也

流盜趙勝陷山西澤州

許鼎臣為右僉都御史巡抚山西鼎臣上六事蠲租增餉明

賞罰勸忠義分信地破資格大抵沿習之語識者憂之

壬戌靖边道戴君思剿捕賊三百餘人於安塞平之

戊辰時總兵祖大壽破圍於大凌城巡抚丘永嘉總兵宋偉
吳襄率師援之永嘉懦懦屢易師期而偉襄不相能是日遇
敵於長山襄營先亂我師敗績監軍太僕寺少卿張春被執
先一日凌賊食尽何可綱語祖大壽可出以慰閣部自為文
祭死之大壽以二十七人詣敵營約下錦州質其子而返

庚午官軍劫敵營祖大壽逸出徒步入錦州敵墮大凌城引
去張春上書請款巡抚丘禾加家表其事孫承宗曰春亦有
鬚眉獨不聞其妻翟氏六日不食而自經于士大夫不能免

兵扑此行屍而忍為閔說耶春被執不屈願求一死建愍欲
殺之某力救愍曰非南朝讀書人不能也因出之某寺
中日給饌春終不屈嘗元旦愍宴諸臣或曰今日頃張春一
至愍曰罷母強此人也久之或携觴酌之春色喜為諸人
講經史大義諸人多就正後疾卒至今東人言之無不歎服
談迂曰張春被陷時以殉難聞詔贈右副都御史亡何書
上追奪秩夫春實未嘗誅滕流離殊域其志有足悲者此藉
彼薰寧可概論宋王雋忠陷契丹上書言款即張春之前
茅也雋忠見原春見疑勢有固然無俟言之畢矣
洪承疇等大敗趙勝於山西桑落鎮

罷工部郎中孫肇與肇與監督盧甲厥以帑詘且積負商人
因疏劾監督太監張彝憲上怒令肇與同監造太監劉守
乾回奏肇與落賊

九月壬申朔山西流盜犯濟源

己丑神一魁復叛擬寧塞縣初一魁降後頗寬用而茹成名
生事度不能制謀誅之遣成名於總督所收斬之其黨張孟
金黃友才等疑惧挾一魁以叛叔參將吳弘器縛守備范禮
辯其髮焚掠橫甚官兵攻圍之賊食盡其黨黃友才斬一魁
以獻大盜劉國能張天琳劉九思等五部在宜川雒川韓城
芝川鎮雲岩間志掠副總兵趙大胤在韓城去賊營二十里

不敢出戰士紳強之出報五十級驗之則婦孺首半之也前
中部之唐

壬辰洪承疇為兵部右侍郎兼右僉都御史總督陝西三邊
軍務張福臻為右僉都御史巡抚延綏

陝西官兵逐山西賊決月共斬七百二十餘級都司王世虎
守備姚進忠戰死

乙未俞太監張彝憲總理戶工二部錢糧唐文征提督京營
戎政王坤往宣府刘文忠往大同刘允中往山西各監視兵
餉

遣總兵馬世龍以招降呂梅也

兵部覆試武舉奏技勇多不錄

黃友才遁追斬千一百七級餘賊千餘至環縣固原道斬四
十六級賊奔萬安監

趙勝就擒即點燈子也起清間綏德逞於延綏奔突韓城宜
川雒川往來秦晉沿河郡邑多苦之至是伏誅平陽稍安巡
抚洪承疇力也其党王自用馬守應惠登相張猷忠復肆

吳偉業曰語有之涓涓不絕乃成江河當賊初起夫匹瓦
合倔强山谷間其偏祖大呼首事作難者不過嘉胤子順
輩三數人耳而皆已撲滅中外大臣以為已得倡事者之
首天下無事矣縱有餘孽州縣當就捕豈知後起之盛蔓

不可圖我

故刑部尚書薛貞故廷綏總兵吳自勉俱獄死

十月辛丑朔日食

甲辰列宇烈為右僉都御史巡撫遼東

流賊復掠慶陽

丁未驗試武奉前監試御史余文燿馬如蛟削藉

復黑雲龍原官時滔建州重傷未奔

命太監 軍王應朝往闡寧張國元往薊鎮東協王之心中

協邵希韶西協

庚戌官兵復中部縣初六月甲辰總兵王承恩屢攻不下入

月癸丑練國事繼進辛未賊突出數百騎潰圍復勾慶陽大

盜郝臨菴等引眾數千自保安鎮來援謀截我糧道甘肅總

兵楊嘉謨自耀州至曾文詔及張福臻之兵俱至是克之

流盜羅汝才陷宜川縣練國事在三水遣叅將李甲馳斬一

百十八級賊遁

副總兵張全昌擊賊於合水斬八百九十七級即鉄角城賊

合於中部者敗於王承恩自宜君耀州走慶陽

辛亥封金鑑為岷王

乙卯命南京禮部右侍郎錢士升祭告鳳陽皇陵

丁巳左中允楊世芳列必達以主武闡削藉初武場合合枝

勇策論無優為最拔勇分力石三等刀自百二十劬至八十斤石自五百斤至二百五十斤策論優而拔勇稍劣次之拔勇優而策論不逮又次之榜出仍有言者遂下世芳等獄改左論德兼侍講方逢年右中允兼編脩倪元璐栗試与前榜同者三十餘人

壬戌巡視中城御史姚孫渠奏錦衣衛指揮項震命下震獄訊之并責孫渠先提問後請旨以擅提職官降二級視事
癸亥楊一鵬為工部右侍郎

夜大風

十一月庚午朔賜武奉王來聘進士第一罷兵部郎中王陞員

外郎陸澄源等六人來聘歷昌平參將丙子死敵贈都督銜壬申刑科給事中吳執御上言祖大壽向謂莽男子耳今死守孤城義氣百倍而抹甲不至堂：中國將何以威視四夷乎軍法臨敵敗軍者死降者死黑雲龍負此二死一旦未歸其出塞年餘建州狡謀兵力宜無不知之可以密告 皇上以備捍禦之策不然續命之膏未易飲况乎黃金橫帶耶
丙子流賊譚雄夜陷安塞縣賊覲邑富宦而知縣柴國弼固守至是國弼積瘁死經歷胡崇數署印疎而老遂襲掠一空時大兵俱集寧塞故賊無所忌次日即出執諸生郭汝盤以求抚

延安慶陽大雪

丁亥太監李奇茂監視陝西苑馬茶馬三直監視登島兵餉
戎子右中允倪元璐上言武場監試余文燭馬如蚊不能時
設科條而因仍已事主考楊世芳劉必達不能細繹明旨而
過拘少嫌此臣之所為罪也然其可原即在此何者事當創
始未易精詳若人情弊悖藐則四臣斷不敢出此况今
皇上所特收昂元王來聘即前榜所收枚勇文章四臣皆能
識之亦豈謂之不得人哉 上不听
庚寅王承恩擊賊斬二百九十餘級
辛卯督師大李士孫承宗還閩門引疾命放歸

丁酉丘禾嘉仍以右僉都御史巡抚山海永平方一藻為右
僉都御史巡抚寧錦樊尚燦為右僉都御史巡抚河南
南京礼部右侍郎錢士升祭告鳳陽望陵礼成上言鳳陽土
地多荒庠舍寥落岡陵灌莽一望蕭然固咨其故皆言鳳土
确瘠在江北諸郡為下下民居皆塗茨一遇水旱棄如敝屣
挈妻擔子乞活四方户口既以流亡逋賦日之歲積有司束
於正額不得以逋戶之丁粮派徵於見在之賦長於是賠
累愈多而見在者又轉而之他矣昔李時之亂巴蜀乘於驅
逐流民列弘之抚荆州在於大給田種故流民之始不過蠲
租寬負以守宰安集而有餘及其亂也至於選將調兵合群

力剿除而不足今天下賦重政苛民窮財殫而廢政施行宜
先帝鄉即特為蠲減不通太倉之稊米耳而可以招流亡可
以廣開墾生財固本奉積於此不報

己亥王承恩擊賊取之賊首羅汝才遂率眾踏水過河入山
西

閏十一月庚子朔協理京營戎政兵部尚書閔夢得罷東廠太

監宗晉戍孝陵

戊申流賊譚雄復擾安塞參將李卑駐兵城外總督洪承疇
計戎若株守寧塞必至各處蠢動乃命副總兵曹文詔圍寧
塞自率騎夜趨安塞城下壬子總兵王承恩亦自延安至即

誘譚雄等五人出斬之

癸丑夜盜陷安定縣大盜張存孟等三千餘人自魚河川因
內應入之

戊午右中允倪元璐上言原任右中允黃道周季行斐至今
代所希天為 陛下生此人仰佐天章黼黻一代不可謂之
偶然也在今之時聞臣此說或以為疑所謂世人貴耳賤目
若道周死後數十年天下推之必有甚於臣言者臣雖愚悖
豈敢以身觸雷霆過情蕪物即 陛下釋之不誅臣亦懼為
後世所非笑所以推奉本繇至誠道周而外原任順天府尹
劉宗周漬恬鯁介今天下本無人得其人又不能用如此安

望天下有為 陛下奮其忠良者乎 陛下幸聽臣言近道
周原官而出臣於外此仇棄玳珎得良玉也 上不聽

甲子王承恩克安塞斬五百三十六級擒六十二人

乙丑王承恩進剿安定賊、潛走綏德清澗之間叛服不常
降下陷甘泉縣刼餉十萬八千金殺知縣郭永圖河西道張
允登戰死允登解民運銀為降丁勾盜掠烏總督洪承疇聞
之遣王承恩分剿而自以四百人赴甘泉以甘泉劇延咽喉
也時賊日熾承疇日不暇給矣允登四川人萬曆庚戌進士
知咸陽咸寧並有善政而不善黃緣房師湯賓尹惡之東林
人又謂党湯氏也奉卓異僅除刑部主事在劇延當荒盜之

餘備極勞苦士民聞變俱喪服哭迎聲徹十里罷市三日事
聞

丁卯孔有德耿仲明叛於吳橋初東江劉吳治反屠皮島皮
島田副總兵張燾與吳治內戚沈某合謀圖吳治未發會登
萊巡撫孫元化荐叅將黃龍為東江總兵至島吳治遂叛元
化以兵部尚書熊明遇督援急命叅將孔有德等以三千人
從海赴關外有德遭颶風几斃迨歸復命從陸下勝怨望屯
卸平月餘進至吳橋六叛時僅步兵七百人破吳橋

戊辰孔有德圍陵縣破之
副總兵張全昌於河津斬賊百五十七級韓城西境遂安